



საქართველოს
განათლებისა და
მეცნიერების
სამინისტრო



მასწავლებელთა
პროფესიული
განვითარების
ეროვნული
ცენტრი

სსიპ – მასწავლებელთა პროფესიული განვითარების ეროვნული ცენტრი

ელექტრონული ტენდერის საშუალებით ბეჭდვის მომსახურების შესყიდვა
(CPV: 79810000 – ბეჭდვითი მომსახურებები)

თბილისი
2015 წ.

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის საფუძველზე

ტექნიკური დავალება

პრეტენდენტმა უნდა უზრუნველყოს სსიპ მასწავლებელთა პროფესიული განვითარების ეროვნული ცენტრის სახელმწიფო ბიუჯეტის „მასწავლებელთა და სკოლის დირექტორთა დამხმარე მასალებით უზრუნველყოფის პროგრამის ფარგლებში ბეჭდვის (საკუთარი მასალით) მომსახურების (შემდგომში მომსახურება) გაწევა.

1. შესყიდვის ობიექტი: ბეჭდვითი მომსახურების გაწევა 1.1. პუნქტში მოცემული სახელმძღვანელოების/ბროშურების ტექნიკური მახასიათებლებისა და რაოდენობის (შემდგომში მომსახურება) გათვალისწინებით.

მომსახურების გაწევის ვადები: შემსყიდველის მოთხოვნის შესაბამისად, დაკაზმდონებული მასალის/ელექტრონული ფაილის გადაცემიდან არაუგვიანეს 15 (თხუთმეტი) კალენდარული დღისა, ხელშეკრულების გაფორმებიდან 2015 წლის 31 დეკემბრის ჩათვლით.

მასალის გადაცემისას ფორმდება „მასალის გადაცემის მიღება-ჩაბარების აქტი“.

დასაბეჭდი დაკაზმდონებული მასალის (3 პოზიციის სახელმძღვანელო/ჟურნალის 1.1. პუნქტის შესაბამისად განსაზღვრული) გადაცემა მოხდება შემსყიდველის მოთხოვნის შესაბამისად.

1.1. დასაბეჭდი სახელმძღვანელოების/ბროშურების ჩამონათვალი და ტექნიკური მახასიათებლები

№	დასახელება	ტექნიკური მახასიათებლები	რაოდენობა (ცალი)
1	<u>სახელმძღვანელო „ინფორმაციულ-საკომუნიკაციო ტექნოლოგიების გამოყენება სასწავლო პროცესში“</u>	გვერდების რაოდენობა - 206 (+ - 10) ფორმატი A4; შიგთავსი - ოფსეტი; 80გრ. შავ-თეთრი; ფირზე ამოღებული. ყდა - ფერადი, ცარცი 250 – 300 გრ. პრიალა. აკინძვა - ზამბარისებული (რკინის ზამბარა). ჩანართი (1); ფურცლების რაოდენობა - 5; ფორმატი A4; შიგთავსი - ფერადი ჩანართი; ცარცი, გლუვი, 150-200 გრ; ჩანართი (2) ფურცლების რაოდენობა - 13; ფორმატი A4. შიგთავსი - პერფორირებული ფურცელი;	1 700
2	<u>სახელმძღვანელო „ინფორმაციულ-საკომუნიკაციო ტექნოლოგიების საბაზო კურსი მასწავლებლებისთვის“</u>	გვერდების რაოდენობა - 120 (+-10) ფორმატი - A4; შიგთავსი - ოფსეტი, 80 გრ. შავ-თეთრი; ფირზე ამოღებული. ყდა - ფერადი. ცარცი 250-300 გრ. პრიალა. აკინძვა - ზამბარისებული (რკინის ზამბარა); ჩანართი (1) ფურცლების რაოდენობა - 8, ფორმატი A4. შიგთავსი - პერფორირებული ფურცელი;	2 600
3.	<u>ჟურნალი მასწავლებელი</u> (სახელმწიფო ბიუჯეტის ფარგლებში - ჟურნალი მასწავლებელი იბეჭდება წელიწადში 7 ნომერი (6 ნომერი	ფორმატი: A4, გვერდების რაოდენობა: 56 + ყდა; შიდა გვერდები: 52 გვერდი - 90 გრ. არაპრიალა ცარცი, ბეჭდვა პანტონით, ო რფერიანი (2+2); 4 გვერდი - 90 გრ. არაპრიალა ცარცი, ბეჭდვა CMYK (4+4)	21 700

	+1 სპეც. ნომერი. თითოეული ჟურნალი - 2500 ცალი ტირაჟით; საკუთარი შემოსავლების ფარგლებში - ჟურნალი მასწავლებელი იბეჭდება წელიწადში - 6 ნომერი თითოეული 700 ცალი ტირაჟით).	ყდა: 250 გრ. არაპრიალა ცარცი, ბეჭდვა CMYK (4+4), დაფარული გლუვი დისპრესიული ლაკით. ბეჭდვის ტექნოლოგია: საბეჭდი ფორმების თერმული დამუშავება ყდაზე ცხელი დაპრესვით ამოზურცვა აკინძვა: სკრეპით. (6 ნომერი დაიბეჭდება თითოეული 3200 ცალი ტირაჟით, 1 სპეც ნომერი დაიბეჭდება 2500 ცალი ტირაჟით)	
--	--	---	--

ფასი წარმოდგენილი უნდა იქნეს დღგ-ს გარეშე, რადგან „საქართველოს საგადასახადო კოდექსის“ 168-ე მუხლის 1-ლი პუნქტის „ო“ ქვეპუნქტის მიხედვით წიგნების მოწოდება გათავისუფლებულია დღგ-სგან „ო) საგარეო-ეკონომიკური საქმიანობის ეროვნული სასაქონლო ნომენკლატურის 4901, 4902, 4903 00 000 00 და 4904 00 000 00 კოდებში მითითებული საქონლის (წიგნები, ჟურნალ-გაზეთები, ნოტები) მიწოდება (მათ შორის, ელექტრონული ფორმით) ან/და იმპორტი, ასევე ელექტრონული მატარებლების (დისკების) საშუალებით სალექციო კურსების მიწოდება, რომელიც საგანმანათლებლო ხასიათისაა და შეიძლება გამოცემულ იქნეს ასევე წიგნის ფორმით“;

2. აუცილებელი პირობა:

- 2.1. მომსახურება გაწეული უნდა იქნეს ამ სფეროში საყოველთაოდ აღიარებული ხარისხის სტანდარტების შესაბამისად;
- 2.2. მიმწოდებელს 2012 წლიდან წინადადების წარდგენის დღემდე უნდა ჰქონდეს არანაკლებ 2 (ორი) პროექტი (წიგნების ბეჭდვითი მომსახურება) მაინც შესრულებული, რომლის (თითოეული პროექტი) ღირებულება უნდა იყოს არანაკლებ **50 000 ლარისა**;
- 2.3. მიმწოდებელს უნდა შეეძლოს მთლიანი ტექნოლოგიური ციკლის (დაბეჭდვა, აკინძვა) ერთ საწარმოში შესრულება. ამასთან, მომსახურების ხარიახიანად გაწევის აუცილებლობიდან გამომდინარე ბეჭდვა უნდა განხორციელდეს არანაკლებ ოთხფერიან საბეჭდ მანქანაზე, რაც მიმწოდებელს უნდა გააჩნდეს საკუთრების ან იჯარის ფორმით; გარეკანი ყუასთან უნდა იყოს დანარიმანებული (ე.წ. ბიგოვკით);
- 2.4. შემოთავაზებული ფასი უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს (მათ შორის მასალების, ტრანსპორტის და შენახვის ხარჯს) და კანონმდებლობით გათვალისწინებულ ყველა გადასახადს.

3. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 3.1. ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება იურიდიული მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;
- 3.2. გასაწევი მომსახურების ხარჯთაღრიცხვა სატენდერო დოკუმენტაციაში მოცემული ცხრილის მიხედვით (დანართი №1-ის შესაბამისად);
- 3.3. ინფორმაცია ანალოგიური მომსახურების გაწევის გამოცდილების შესახებ (მიმწოდებელს 2012 წლიდან წინადადების წარდგენის დღემდე უნდა ჰქონდეს არანაკლებ 2 (ორი) პროექტი (წიგნების ბეჭდვითი მომსახურება) მაინც შესრულებული, რომლის (თითოეული პროექტი) ღირებულება უნდა იყოს არანაკლებ **50000 ლარისა** (დანართი №2-ის შესაბამისად);
- 3.4. სატენდერო დოკუმენტაციის 3.3. პუნქტის შესაბამისად თითოეული პროექტის მიხედვით წარმოდგენილი უნდა იქნეს მომსახურების გაწევის დამადასტურებელი დოკუმენტი (მიღება-ჩაბარების აქტი, ან სასაქონლო ზედნადები, ან ანგარიშ-ფაქტურა და სხვ.);

3.5. ინფორმაცია ტექნიკური აღჭურვილობის შესახებ (მიმწოდებელს უნდა გააჩნდეს საკუთრების ან იჯარის ფორმით ოთხფერიანი საბეჭდი მანქანა, რაზედაც წარმოდგენილი უნდა იქნეს დეტალური ინფორმაცია (მოდელის და მწარმოებელი ფირმის მითითებით, დანართი №3-ის შესაბამისად);

3.6. სატენდერო დოკუმენტაციის 3.5. პუნქტის შესაბამისად მოთხოვნილი აღჭურვილობის საკუთრების ან იჯარის ფორმით ფლობის დამადასტურებელი დოკუმენტი.

4. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის 4.1 და 4.2. ქვეპუნქტებში განსაზღვრულ მოთხოვნებზე.
- 4.1. ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება მოხდება ეტაპობრივად, ფაქტობრივად გაწეული მომსახურების მიხედვით მიღება-ჩაბარების აქტის ხელმოწერიდან 15 (თხუთმეტი) სამუშაო დღის განმავლობაში, წინასწარი ანგარიშსწორება არ გამოიყენება;
- 4.2. სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.
5. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.
6. პრეტენდენტს არა აქვს უფლება წარმოადგინოს ალტერნატიული წინადადება.

დამატებითი ინფორმაცია დაინტერესებულ პირებს შეუძლიათ მიიღონ ს.ს.ი.პ. „მასწავლებელთა პროფესიული განვითარების ეროვნული ცენტრი“, შემდეგ მისამართზე: ქ. თბილისი, გმირ კურსანტთა ქ. №1, III სართული, ტელ: 220 0 220 (4601) საკონტაქტო პირი: მაია გულორდავა, ელ. ფოსტა: mgulordava@tpdc.ge.

ხელშეკრულება № _____
სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

2015 წლის _____

ქ. თბილისი

ერთი მხრივ, სსიპ – მასწავლებელთა პროფესიული განვითარების ეროვნული ცენტრი (მისამართი: ქ. თბილისი, გმირ კურსანტთა ქ. №1) წარმოდგენილი ცენტრის დირექტორის ----- სახით (შემდგომში წოდებული „შემსყიდველად“) და მეორე მხრივ _____ (მისამართი: _____) დირექტორის _____ სახით (შემდგომში წოდებული „მიმწოდებლად“), სსიპ – მასწავლებელთა პროფესიული განვითარების ეროვნული ცენტრის მიერ ბეჭდვითი მომსახურების (CPV79810000 – ბეჭდვითი მომსახურებები) შესყიდვის მიზნით ჩატარებული ელექტრონული ტენდერის გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. მიმწოდებელმა ამ ხელშეკრულების პირობების შესაბამისად უნდა უზრუნველყოს შემსყიდველისათვის ბეჭდვითი მომსახურების გაწევა. მომსახურების პირობები მოცემულია ტექნიკურ დავალებაში, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.

3. ხელშეკრულების მოქმედების ვადები

ხელშეკრულება ძალაში შედის ხელმოწერის მომენტიდან და მოქმედებს 2016 წლის 31 იანვრის ჩათვლით.

4. ხელშეკრულების ჯამური ღირებულება

- 4.1 ხელშეკრულების ჯამური ღირებულება შეადგენს: _____ ლარს.
- 4.2 ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების გაწევის წესი და ადგილი

- 5.1. ხელშეკრულებით გათვალისწინებული ვალდებულებების შესრულების ადგილია _____
- 5.2. მომსახურების გაწევა ხორციელდება შემსყიდველის მოთხოვნის შესაბამისად, დაკაზადონებული მასალის/ელექტრონული ფაილის გადაცემიდან არაუგვიანეს 15 (თხუთმეტი) კალენდარული დღისა, ხელშეკრულების გაფორმებიდან 2015 წლის 31 დეკემბრის ჩათვლით.

6. მხარეთა ვალდებულებები

- 6.1. მიმწოდებელი ვალდებულია გაუწიოს შემსყიდველს ამ ხელშეკრულების 2.1. პუნქტში მითითებული უნაკლო მომსახურება.
- 6.2. თუკი ხელშეკრულების 2.1 პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.

- 6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით
- 6.4. შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;
- 6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

- 7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 7.2. ანგარიშსწორება განხორციელდება შემდეგნაირად: _____

8. ხელშეკრულების ინსპექტირება

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენ-ტისათვის.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურ-ება ეკისრება მიმწოდებელს საქართველოს კანონმდებლობით დადგენილი წესით.

9. შესყიდვის საგნის მიღება-ჩაბარების წესი

- 9.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილი პირი განსაზღვრული იქნება ხელშეკრულების გაფორმების მომენტისათვის
- 9.2 მიღება-ჩაბარების აქტის გაფორმების საფუძველს წარმოადგენს მიმწოდებლის მიერ წარმოდგენილი ანგარიშები.
- 9.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

10. ხელშეკრულების შეწყვეტა

- 10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწო-დებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:
- ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;
 - ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდ-ებულება;
 - გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) მიმწოდებლის მიმართ დაიწყო გაკოტრების საქმის წარმოება;
 - ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

- 11.1. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის ან/და არაჯეროვნად შესრულების გამო დააკისროს „მიმწოდებელს“ პირგასამტეხლო სახელშეკრულებო ღირებულების 10%-ის ოდენობით;
- 11.2. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შესრულების ვადების გადაცილების შემთხვევაში დააკისროს „მიმწოდებელს“ პირგასამტეხლო ხელშეკრულების შეუსრულებელი ნაწილის ღირებულების 0.5%-ის ოდენობით ყოველ გადაცილებულ დღეზე.
- 11.3. გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო გადაუხდელი თანხის 0.5%-ის ოდენობით ყოველ გადაცილებულ დღეზე.
- 11.4. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 3%-ს, „შემსყიდველს“ ან/და „მიმწოდებელს“ უფლება აქვთ შეწყვიტონ ხელშეკრულება;
- 11.5. საჯარიმო თანხების გადახდა არ ათავისუფლებს მხარეებს ძირითადი ვალდებულებების შესრულებისაგან;

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი რჩება შემსყიდველს, ერთი – შემსრულებელს).

მხარეთა რეკვიზიტები:

შემსყიდველი:

მიმწოდებელი:

გასაწევი მომსახურების ხარჯთაღრიცხვა

პრეტენდენტის დასახელება _____

№	სატენდერო დოკუმენტაციის 1.1. პუნქტით გათვალისწინებული დასახელებისა, ტექნიკური მახასიათებლების და რაოდენობის შესაბამისად			ერთეულის ფასი (ლარი)	საერთო ფასი (ლარი)
	დასახელება	ბეჭდვის მომსახურების მახასიათებლები	რაოდენობა (ცალი)		
1.					
2.					
3.					
ჯამი:					

პრეტენდენტის ხელმოწერა -----

ინფორმაცია ანალოგიური მომსახურების გაწევის შესახებ

პრეტენდენტის დასახელება _____

№	გაწეული მომსახურების აღწერა (წიგნების ბეჭდვითი მომსახურება)	შემსყიდველი ორგანიზაცია (დამკვეთი)	გაწეული მომსახურების ღირებულება	პერიოდი (წელი)
1				
2				
N				

პრეტენდენტის ხელმოწერა _____

ინფორმაცია ტექნიკური აღჭურვილობის შესახებ

პრეტენდენტის დასახელება _____

№	დასახელება	აღწერილობა (მოდელის და მწარმოებელი ფირმის მიითითებით)	საკუთრება (მფლობელობა, იჯარა)
1			
2			
3			
N			

პრეტენდენტის ხელმოწერა _____